



UNIVERSITÄTS-  
BIBLIOTHEK  
PADERBORN

## **Lingva Avrea Christianorvm**

**Ruben, Leonhard**

**Padibornae, 1606**

Septvaginta Octo Incommoda Loqvacitatis & linguæ effrenis.

---

---

**Nutzungsbedingungen**

[urn:nbn:de:hbz:466:1-56433](https://nbn-resolving.org/urn:nbn:de:hbz:466:1-56433)

SEPTUAGINTA  
OCTO INCOMMODA LO-  
QUACITATIS ET LIN-  
GUÆ EFFRENIS.

## CAPVT III.

*Anima inde quàm grauissimè læditur &  
amicus dehonefatur.*

*Ani-  
ma læ-  
ditur.*

*Ani-  
me di-  
gnitas*

**P**rimum & potissimum est quod  
ea pars, quæ in homine potissi-  
tissima, & cuius, ut est Eccles. 26.  
20. non est ponderatio digna, ve-  
hementer læditur. Hinc eodem li-  
bro cap. 20. 8. dicitur: *Qui multum  
vitur verbis lædit animam suam.*  
Eam scilicet, quam cautissimè con-  
seruare debuerat, & cui lucrum  
totius mundi antepondere minimè  
licebat. *Quid enim* ut est Matth. 16.  
26. Marc. 8. 36. Luc. 12. 25. *prodest  
homini si uniuersum mundum lucre-  
tur, anima vero sua detrimentum pa-  
tiatur? aut quam dabit homo com-  
mutationem pro anima sua? Filius e-*

Animam hominis venturus est in gloria  
 Patris sui cum angelis suis, & tunc  
 reddet unicuique iuxta opera sua. Ad-  
 de etiam iuxta linguam suam. Cùm  
 Matth. 12. 36. 37. Ex verbis nostris  
 iustificabimur, aut damnabimur,  
 & de omni verbo otioso daturi si-  
 mus rationem in die iudicij, vt la-  
 tius infrà capit. 10. Cùm ergo di-  
 ctum sit Deut. 4. 9. 14. Custodite  
 ipsum & animam tuam sollicitè. Pro-  
 uer. 13. 3. Qui custodit os suum custodiat  
 animam suam. Qui verò eam vigi-  
 lantissimè custodit, nequaquam  
 eam per linguæ effrenis licentiam  
 lædi patietur, quin potius mortem  
 ipsam aliquando pro linguæ cu-  
 stodia subire paratus esse debebit;  
 quod sequenti exemplo probari  
 potest in gratiam religiosorum.

Secundum incommodum hoc  
 in capite est quòd amicus dehone-  
 statur subinde per nostram lo-  
 quacitatem. Hinc Prou. 25. 8. *Quæ*

*Ami-  
cus de  
honestas  
statur*

viderunt oculi tui, ne proferas in iur-  
gio citò, ne postea emendare non pos-  
sis cùm de honestaueris amicum tuum

## CAPVT IV.

Silentium regulare infringere nolentes duo Re-  
ligiosi, à barbaris capti, morte etiam intenti-  
ta, infringere noluerunt, & grandi mira-  
culo ex eorum manibus liberati sunt. Simi-  
le patet ex silentio Secundi

Atheniensis Philo-  
sophi.

**Q**Va de re Vincentius, Belua-  
censis Episcopus ordinis D-  
Dominici, qui circa annum 1250  
in speculo historiarum ita scribit  
Tempore quo sæuissima gen-  
Northmannorum, Pictauorum,  
Turonum fines vastabant, du-  
fratres ordinis Cluniacensis Turo-  
nes mittebantur. Qui dum cape-  
rent iter, & in quendam locum  
gratia quiescendi diuertissent, a  
eisdem Northmannis nocte cap-  
sunt; & capere quidem eos, ac li-  
gare manus eorum, deinde minari  
potuerunt, sed eorum silentium

Clunia-  
censes  
fratres

corrumpere nequiverunt. Manè autem cum ad locum constitutum applicuissent fratres ut erant ligati se paululum ab eis sequestrantes, in terram se prostraverunt, ut peracto Psalmorum cursu, silentio finem imponerent. Non dum verò oratione completa venit pars reliqua Northmannorum multa præda capta, quorum Dux cernens fratres in terra iacere, audito quòd illi nullo modo possent eos loqui facere, barbarica immanitate turgidus, inclinato velut ad feriendum conto, irruit super eos, metum mortis incutiens, cæteris quoq; barbarico ritu manibus plausum dantibus. At illi ut erant animo constantes, corpore permanferunt immobiles, quòd fiebat jure & obseruantia sanctæ regulæ, sub qua & mori cupiebant & viuere. Sed Omnipotētis manus, eorum exhilaratum spectaculum,

con-

conuertit in luctum. Mox enim vt ille barbarus ad eos appropinquauit, equus phaleratus cui insidebat in obliquum resiliuit, & fessorem eius in terram strauit, & collisit, quam collisionem statim febris lethalis secuta est. Conticuerunt omnes, & versi in stuporem cœperunt quærere inter se, quid ex eis deberent facere. Tandem reperto consilio, dignum esse censuerunt, vt pro vita sui Ducis vnus ex eis caderetur. Deinde cœperunt forte quærere, quem ex eis deberent interimere; sed super virtutum viros, & forte Christi connumeratos nullo modo diabolica cadere poterat fors, ita vt illi obstupescerent, dicentes eos vltra homines esse, super quos eorum fors non potuisset cadere. Tunc manus eorum velociter dissoluerunt, & abire fecerunt. Hæc ille. Idem probatur exemplo gentilium. Quidam enim

*Sors  
malo-  
rū non  
cedit  
in bo-  
nos.*

Philosophus Athenientium, Secundus nomine, tanto studio (ob certam quandam causam quam videre poteris apud eundem Vincētium Beluacensem Episcopum libro. speculi historialis cap. 70.) sectatus est silentium, ut mortem citius oppetere paratus fuerit quam silentium violare. Circa cuius tempus Adrianus Imperator veniens Athenas, eumque ad se vocatum, venientem primus salutavit: illo verò tacente, loquere inquit Philosophe, ut aliquid à te discamus, illo autem in proposito silentij persistente, mandavit spiculatori ut eum cum quodam altero educeret capite plectendum. Latenter verò eidem carnifici dixit, loquere ei in via. & persuade ei, ut loquatur, & si quidem persuasus locutus fuerit, decolla eum: sin minus reduc illum ad me. cum verò in loco tormento aut supplicio

*Secundus  
Philosophus*

*Adrianus  
Imperator.*

destinato

destinato, diceret spiculator. Secunde extende ceruicem, & excipe in ea gladium, ille extendens ceruicem silentio vitam postposuit. Apprehendens ergò eum, venit ad Adrianum Imperatorem, dicēs: Secundum vsque ad mortem tacuisse.

CAPVT V.

*Proueniunt casus, & ruinae ex mala custodia linguae. Exemplo etiam Luciferi.*

*Casus  
linguae*

**H**Oc caput duo incommoda alia loquacitatis complectitur, quorum primum est, casus: quem videns Eccl. capit. 22. 33. inquit: *Quis dabit ori meo custodiam, & super labia mea signaculum certum; ut non cadam ab ipsis, & lingua mea non perdat me.* Varij quidem sunt casus vnde facile resurgimus, & quorum dolori mederi non est magnæ industriæ; at secus est in casu linguae, cui medicamenta ad-

hiberi



hiberi nequeunt, volat siquidem irreuocabile verbum. *Multi*, enim vt est Eccli. 28. 22. *cecidierunt*, vide casum, *in ore gladij*, sed non sic, *quasi per linguam*. Et v. 29. *Aurum tuum, & argentum tuum conflat, & verbis tuis facito stateram & frenos ori tuo rector: & attende ne forte labaris in lingua tua, & cadas in conspectu inimicorum insidiantium, & sit casus tuus insanabilis in mortem.*

Alterum est in hoc capite ruina, quæ grauior est casu. Vnde Prou. 26. 28. dicitur. *Lingua fallax non amat veritatem, & os lubricum operatur ruinas.* † 18. 7. *Os stulti contritio eius, & labia illius ruina anima eius.* Hic casus & ruina manifestissimus fuit in *Lucifero*. Cuius casum admirans *Isaias*, inquit, cap. 14. 12. *Quomodo cecidisti de caelo Lucifer qui mane oriebaris? Corruisti in terram, qui vulnerabas gentes? Qui dicebas per verbum mentis in corde tuo in caelum,*

Luci-  
feri  
casus.

*conscendam super astra Dei exaltabo  
solium meum, &c. Quem casum fuisse  
instar ruinæ repentinum, Salua-  
tor asserit, cùm inquit, Luc. 10. 18.  
Vidi Satanam sicut fulgur de cælo ca-  
dentem. De cælo, inquit, in quo  
Apoc. 8. 1. factum est silèrium me-  
dia hora, in qua si tacuisset Lucifer  
in corde suo, utiq; non cecidisset.  
Verè itaq; dixit Ecclesiastes 10. 12.  
Verba insipientis præcipit abunt eum.  
Et prou. 17. 29. Qui exaltat os suum,  
querit ruinam. Et de huiusmodi,  
qui iugum silentij excusserunt, dici  
potest id, quod de Iudæis dixit O-  
seas cap. 7. 16. Reuersi sunt ut essent  
absq; iugo: facti sunt quasi arcus do-  
losus: cadent in gladio principes eo-  
rum à furore lingua suæ.*

## CAPVT VI.

*Ex eadem loquacitate prouenit ciuitatum per-  
ditio, & subuersio, coinquinatio homi-  
num, contritio spiritus.*

Primum hoc in capite malum

trahit

trahit Salomon Prou. II. II. cū  
 inquit. *Benedictione iustorum exal-*  
*tabitur ciuitas: & ore impiorum sub-*  
*uertetur.* Quod manifestissimum  
 fuit in nostra Germania, vbi cū  
 olim summa deuotione Catholi-  
 corum vigerent, vti vbi etiamnum  
 in flore sunt, processiones circum  
 ciuitates, cum hymnis, & canticis  
 instituebantur, & cum mœnibus,  
 tum portis ciuitatum, à sacerdote  
 benedicebatur. Sic olim ad oratio-  
 nes sacerdotum Ezechiaë, & totius  
 populi pro ciuitate Ierusalem re-  
 spondet Dominus, *Protegam ciui-*  
*satem istam, vt saluem eam propter*  
*me, & propter Dauid seruum meum.*  
 IIa. 37. 35. 4. Reg. 19. 34. Multò  
 magis propter se & filium Dauidis  
 Christum Dominum, qui non tan-  
 tū circumfertur, vt manna in ar-  
 ca testamenti, circa muros Iericho;  
 sed ut panis vitæ in sanctissimo sa-  
 cramento. Sic Ecclesiasticus capit.

Ciuita  
 tū sub  
 uersio.

Proces  
 siones  
 circa  
 ciui-  
 tates.

36. 15. 16. orabat dicens. *Miserere civitati sanctificationis tuae Ierusalem, civitati requiei tuae. Reple Sion inenarrabilibus verbis tuis, & gloria tua populum tuum.* At vbi prodierunt hæretici: quorum os non adfert benedictionem: sed vt est Iudæ capti, 16. *Loquitur superba tum demum ore impiorum cum summo dolore videmus non tantum subuersas ciuitates, sed integros comitatus & prouincias, ne dicam bellis, & intestinis dissidijs, in se ipsis diuisas, commanducasse, quasi linguas suas præ dolore, vt est Apocalyp. cap. 17. v. 10. Lingua tertia, id est detractoria, inquit Ecclesiast. capit. 28. v. 16. Multo commouit, & disperfit illos, de gente in gentem: ciuitates muratas diuitum destruxit, & domos magnatorum effodit, virtutes populorum concidit, & gentes fortes dissoluit. Plura cap. 14 numero 1.*

os hæreticorum.

Secundùm in hoc capite est, quòd mala, quæ de ore nostro procedunt coinquant hominem. Id quod ex testimonio Christi apud Diuum Matthæum capit. 15. ver. 18. superiùs capite 2. ratione prima probauimus.

Coin-  
quina-  
tur ho-  
mo.

Tertiùm est quod contritio-  
nem afferat spiritus. Hinc Pro-  
uerb. 18. 7. *Os stulti contritio eius.*  
Ne verò putes leuem hanc, vel exi-  
guam corporis, aut membri alicu-  
ius contritionem, id magis expli-  
cat capit. 15. 4. cum inquit: *Lingua  
placabilis lignum vite: Quæ autem  
immoderata est, conteret spiritum.*

Contri-  
tio spi-  
ritus.

### CAPVT VII.

*Linguosi dirigi nequeunt, tendunt ad erro-  
rem pessimum, & diuinam in se  
gratiam corrumpunt.*

**P**rimùm in hoc capite est quod  
directionem diuinam nobis  
per necessariam impediatur, pro  
qua tamen sancti homines po-

Dire-  
ctionē  
impe-  
dit.

stula-

stularunt vt Daud, cùm orauit,  
 Psal. 5. 9. *Dirige in conspectu tuo viam  
 meam.* Et 24. 4. 5. *Vias tuas Domine  
 demonstra mihi, & semitas tuas do-  
 ce me. Dirige me in veritate tua, &  
 doce me quia tu es Saluator meus.* Et  
 26. 11. *Legem pone mihi Domine in  
 via tua & dirige me in semita recta,  
 propter inimicos meos.* In omnibus  
 siquidem vijs, insidiantur nobis ini-  
 mici nostri, & ita lege silētij maxime  
 egemus. Hinc iterum iterumq; cla-  
 mat Daud ad Dominum, Psalm.  
 118. 5. *Utinam dirigantur viae meae, &  
 custodiendas iustificationes tuas.* Sed  
 vt cultus iustitiæ silentium. Isa. 32.  
 17. sic verum est id Prou. 16. 13.  
*Qui recta loquitur, dirigetur.* Vice  
 verò versa Daud Psal. 139. 12. Lin-  
 guosum iniusto coniungēs, inquit.  
*Vir linguosus non dirigetur in terra,  
 virum iniustum mala capient in in-  
 teritu.* Atq; ita vti iustus Isa. 57. 1.  
 2. ambulat in directione sua, per

cultum

cultum iustitiæ: quem esse silentiũ, idem Propheta dixit: Sic iniustus propter linguæ licentiam in viam iustitiæ Christianæ minimè dirigi vnquam poterit.

Secundum ergò in hoc capite ex priore malo consequitur: Ex mala siquidem viæ directione necesse tandem est, vt in fine error pessimus obueniatur. Id quod & Ecclesiastes testatur cap. 10. 12. 13. dicens: *Verba oris sapientis gratia & labia insipientis precipitabunt eum. In initium verborum eius stultitia & novissimum oris illius error pessimus.* Relicto ergò hoc errore, cātemus id ex cantico quod Isai. 26. 1. 2. cantabitur in terra Iuda. *Urbs fortitudinis nostra Sion, Salvator ponetur in ea murus & cātemurale, ne scilicet ingrediatur hostis humani generis, vt paulò post dicetur. Aperite portas & ingrediatur gēs iusta, custodiens veritatē.* Christum scilicet,

In fine  
error  
pessi-  
mus.

per

per silentium, qui est Ioan. 14. *Via, veritas & vita.* Et quid sequitur? *Vetus error abiit: seruabis pacem, opus enim iustitia pax, & cultus iustitia, silentium.* Isa. 32. 17.

*Gratia  
Dei  
perdi-  
tur.*

*Simile  
ex cu-  
licibus*

Tertiū est, quod gratia Dei facile corrumpitur in talibus hominibus. Nam vt recte docet Sanctus Isaac, oratione duodecima, de vino. Si dolij, aut vasis vini os aperitum maneat, culices facile ingrediuntur, & vinum corrumpit. Idem, inquit, accidit in multiloquio, facietis & vanis sermonibus. Cui addo. Qui habet illud pretiosissimum vinum, quod apud Zachariam Prophetam cap. 9. 17. gemitur, illud quam diligentissime per lingue custodiam tueatur ne per lingue licentiam vel acefcat, vel computrescat. Nota vero quod gratia non sit res exigua sed Dei donum, iuxta id Psal. 83. 12. *Gratiam & gloriam dabit Dominus.*



## CAPVT VIII.

*Habitationem loquacium esse absque ianua:  
pulchro exemplo probatur, vti etiam  
quod hostes prouocent.*

**P**Rimò enim, habitationem *Sunt*  
eorum esse absq; ianua, quàm *sine ia*  
sit res periculo coniuncta, docet *nuā.*  
Iob 30. 13. 14. *Dissipauerunt itinera*  
*mea, insidiati sunt mihi: & prœua-*  
*luerunt, & non fuit, qui ferret auxiliũ.*  
*Quasi rupto muro, & aperta ianua*  
*irruerunt super me, & ad meas mise-*  
*rias deuoluti sunt.* Hinc in Vitis Pa-  
trum libro de Continentia, ita  
scribitur. Duo fratres volentes *Exem-*  
venire ad Anthonium, de loco *plum.*  
Schythi ingressi sunt nauẽ, vt irent  
ad eum. Et inuenerunt in ipsa naui  
senem, qui & ipse ad Anthonium  
ire volebat: ignorabant autem eũ  
fratres, & sedentes in naui loque-  
bantur sermones Patrum, & de  
scripturis, & rursus de opere ma-  
nuum suarum; ille autem senex

per

per omnia tacebat. Cùm autem venissent ad portum, agnouerunt & ipsum senem proficisci velle ad Abbatem Anthonium. Cùm autem venissent ad eum, dicit eis Abbas Anthonius. Bonum comitem itineris inuenistis senem hunc. Dixit autem & seni: Bonos fratres inuenisti tecum Abbas. Dicit ei senex: Boni sunt quidem, sed habitatio eorũ non habet ianuam. Quicumq; vult intrat stabulũ & soluit asinum. Hoc autem dicebat, quia quodcunq; eis ascendebat in os, loquebantur. Hæc ibi. Meritò ergò dicimus cum Iob. Quod in apertam ianuã loquacium irruunt inimici, & de bonis nostris agunt prædas, ac tandem direptis omnibus, ad nostras miseras deuoluti, subsannant nos. Vide plura infra cap. 16. numero 2.

Hosti-  
bus pa-  
tent.

Secundò hostes prouocat, id quod vaticinio Iſaiæ 8. 5. 6. 7. 8.

osteno

ostenditur, cum inquit: *Et adiecit Dominus loqui ad me adhuc, dicens: Pro eo quod abiecit populus iste aquas Siloë, quæ vadunt cum silentio, & assumpsit magis, Rasin, & filium Rome- lia; propter hoc ecce Dominus addu- cet super eos aquas fluminis fortes, & multas, regem Assyriorum, & omnem gloriam eius: & ascendet super omnes riuos eius, & fluet super vniversas ri- pas eius, & ibit per Iudam inundans, & transiens usq; ad collum veniet. Quo enim alio iusto Dei iudicio, hoc exulceratissimo tēpore mul- torum religiosorum domicilia de- vastarunt militum armatæ manus, ita vt nec riuis fontium peperce- rint; nisi quia vt Amos 8. 3. assum- pta loquacitate, in omni loco proy- citur silentium, & aquæ quæ vadunt cum silen- tio, contem- nuntur?*

\* \*  
\*

B

CA.

## CAPVT IX.

Lingua loquacis vt ignis inflammat, & odibilis est, nec non onus graue sibi metipsum imponit, quod & exemplo cuiusdam mulieris docetur.

Vt ignis in flamat

Linguae malitia.

**P**Rimum, hic ponitur periculum perpetui quasi incendij labijs, & lingua loquacis & impudens. Vnde dicitur, Prou. 16. 27. *Vir impius fodit malum, & in labijs eius ignis exardescet.* Quod clarius Dominus, Iacobus Apostolus, cap. 3. 5. 6. 7. 8. huiusmodi verbis explicat. *Ecce quantus ignis quam magnam sylvam incendit? lingua ignis est, vniversitas iniquitatis. Lingua constituitur in membris nostris, quae maculat totum corpus, & inflammat rotam natiuitatis nostrae, inflammata à gehenna. Omnis enim natura bestiarum, & volucrum, & serpentium, & ceterorum domantur, & domita sunt, à natura humani ingenij. Linguam autem nullus hominum domare potest, inquietum malum, p*

nam veneno mortifero. Ad quæ ver-  
 ba alludens D. Chrysoſtomus ho-  
 mol. 9. operis imperfecti in Mat-  
 thæum, inquit. Sicut ignis de modi-  
 ca ſcintilla magnum conflat incē-  
 dium; ita & ſermo malus de leui  
 occasione magnam ſuccendit ini-  
 micitiam, Hæc ille. Rectiſſimè er-  
 gò dicitur Eccleſiaſt. 20. 15. de ho-  
 mine inſipiente. *Apertio oris illius  
 inflammatio eſt.* Hæc inflammatio  
 ſcintillam ſumpſit ex naſo, ore, &  
 habitu diaboli, qui ſcilicet ex ore  
 Behemoth egreditur: quem de-  
 ſcribens Iob 4. 9. 10. 11. 12. inquit;  
*Sternutatio eius ſplendor ignis: & ocu-  
 li eius, vt palpebra diluculi. De ore  
 eius lampades procedunt, ſicut reda  
 ignis accenſa. De naribus eius proce-  
 dit fumus, ſicut olla ſuccenſa atq; fer-  
 ventis. Halitus eius prunas ardere fa-  
 cit, & flamma de ore eius egreditur.*  
 Hinc etiam, vt eſt Eccleſ. 23. 23.  
*Anima calida quaſi ignis ardens non*

Halitus  
 tus  
 diabo-  
 li.

extinguetur donec aliquid glutiat; homo nequam in ore carnis suae non desinet donec incēdat ignem. Id quod in omnibus susurrionibus & detractionibus plus æquo cernitur. ex Prou. 18. 6. patet, vbi dicitur *Labia stulti miscent se rixis, & os eius iurgia prouocat.* Ab his omnibus liber est, qui linguam cohibere didicit.

Odibilis loquacitas.

Alterum hoc loco est, quod huiusmodi homines sunt odibiles. Nam vt est Ecclesiast. 9. 25. *Terribilis est in ciuitate sua homo linguosus & temerarius in verbo suo odiosus erit.*

Iugum Domini abijcit.

Tertiūm est, quod sic iugum Domini suaue & onus leue abijciunt. Silentium siquidem onus leue est. Matth. 11. 30. vnde lætitia nobis conciliatur iuxta id; Psal. 106. 30. *Lætati sunt quia siluerunt.* Cuius lætitudinis argumētum vide in Pambone Abbate infrā capit. 42. num. 3. Atque onere loquacitatis inquit Ieremias

capit. 23. 36. *Onus Domini ultra non memorabitur, quia onus erit unicuique sermo suus: quia peruertistis verba Dei vivetis, Domini exercituum Dei nostri.* Hoc onus est vnum ex istis oneribus de quibus Isai. 46. 1. *Onera vestra graui pondere usque ad lassitudinem.* Hinc Vincentius libr. 3. Moral. dist. 3. parte prima, refert de quodam qui vxorem habuit admodum garrulam, lingua grauem ad tollerandum, quam vir eius in naui & in mari habebat itineris fociam. Ex orta vero tempestate cum ad subleuandum nauem nauta preciperet, vt quisque onera grauiora e naui proijceret, vir eius exhibuit vxorem in mare mittendam, dicens; in tota naui non esse aliquod onus lingua vxoris suæ grauius. A quo onere facili negotio se expediunt, qui vitam ccelibem extra iugum matrimonij transigunt.

*Vxor  
garru  
la onus*

## CAPVT X.

*In multiloquio est periculum peccati & rationi reddendæ nos facit obstrictos.*

*In lo-  
quaci-  
tate  
pericu-  
lum  
peccati*

**P**Rimum quòd in hoc loco ponimus, est periculum peccati id quod asserit Sapiens, Prou. 10. 19. cum inquit: *In multiloquio non deerit peccatum; qui autem moderatur labia sua prudentissimus est.* Si autem peccatum est fugiendum iuxta id Eccli. 21. 2. *Quasi a facie colubri fuge peccatum, & si accesseris ad illa, suscipient te, erit & fugiendum multiloquium.* Nam vt eodem libro dicitur, cap. 23. 17. *Indisciplinata loquela non assuescat os tuum: restum in ea verbum peccati.* Sed vt est Eccli. 19. 17. *Quis est, qui non deliquerit in lingua sua?*

*Inde  
verba  
otiosa.*

Alterum hoc est, quòd in multiloquio multa verba sunt otiosa. De quibus Saluator Matth. 12. 36. loquens dicit. *Dico autem vobis, quo-*

*niam*



niam omne verbum otiosum quod lo-  
 cutifuerint homines, reddent ratio-  
 nem de eo in die iudicij. Nihil æquè  
 diuinæ bonitati displicet quàm o-  
 tium, quod & vitium est, inter So-  
 domorum iniquitates relatum. E-  
 zechiel. 16. 49. Quòd nec Deus pa-  
 titur in operarijs in foro stantibus.  
 Matth. 20. 3. 6. nec in adolescen-  
 tioribus viduis, 1. Tim. 5. 12. 13. nec  
 muliere forti, Prou. 31. 17. nec vllò  
 in loco. Nā vt est Eccli. 33. 29. *Mul-  
 tam malitiam, docuit otiositas.* Ac  
 proindè, nec Christus, nec Pater  
 cęlestis eam in lingua perferre po-  
 test: cùm, nec ipse Christus, nec Pa-  
 ter sit otiosus, iuxta id Ioan. 5. 17.  
*Pater meus usq; modò operatur, &  
 ego operor.* Vt rem ergò otiosam  
 non patitur, ita nec verbum otio-  
 sum, quin de eo reddenda sit ratio  
 in tremendo die iudicij. D. verò  
 Bernardus verbum otiosum vo-  
 cat id quod sine vtilitate audientis

Otium  
 vitan-  
 dum.

*Tri-  
bus de  
causis  
verbū  
otiosū  
fugiē-  
dum.*

*Quan-  
ta maz-  
teria  
loquē-  
di Chri-  
stiano.*

*Tēpo-  
ris ra-  
tio.*

aut loquentis dicitur. Est autem  
verbum otiosum triplici de causa  
fugiendum. Primò, propter peric-  
ulum. Quicquid enim non ædi-  
ficat audientes teste D. Bernardo  
in Epistola, in periculum vertitur  
audientium. Ambrosius serm. 22.  
super Psalmum 118. Beati imma-  
culati, inquit. Non mediocre peri-  
culum est, cū habeas tanta elo-  
quia Dei & opera quæ fecit, si præ-  
termisissis illis, loquaris quæ seculi  
sunt, vel audias. Tum secundò ne  
tempus pretiosum, quo nihil præ-  
tiosius habemus inutiliter amitta-  
tur. Bernardus libro de confide-  
ratione, Nemo, inquit, parui æstio-  
met tempus, quod in verbis consu-  
mitur otiosis: volat tempus irre-  
uocabile, volat verbum irreuoca-  
bile, nec aduertit insipiens quid a-  
mittat. Et infrà. Cur perdis illud,  
quo diuinam tibi repropitiare de-  
bueras pietatem, properare ad an-

gelicam

gelicam societatem, suspirare ad  
amissam hæreditatem, aspirare ad  
præmissam felicitatem, excitare  
remissam voluntatem, flere com-  
missam iniquitatem. Quare dicit  
B. Isidorus: Sicut falsitatis crimina  
à proficientibus pertimescuntur;  
ita otiosa verba à perfectis viris vi-  
tantur. Tum tertio, propter dis-  
cussionem extremi iudicij. Teste  
enim ipsa veritate Matth. 12. 36.  
*De omni verbo otioso in illo reddenda  
erit ratio, vt paulò ante diximus.*

## CAPVT XI.

*Loquaces ranis immundis esse similes, & ex  
loquacitate scandala multa vsq; ad  
mortem ipsam præuenire.*

**P**rimùm est quòd loquaces quie-  
tem aliorum penitus turbent,  
ac proinde loquaces meritò ab ali-  
quibus ranis similes habeantur Ae-  
gyptiacis, quæ omnibus rebus mo-  
lestiam attulerunt, quorum & o-  
ris strepitus, molestissimus est, vn-

*Ranis  
similes*

de Poëta qui de Philomela scripsit  
 inquit: Garrula limosis rana coa-  
 xat aquis. Sunt enim ranæ garru-  
 læ, terrenæ, viscosæ, & limosæ.  
 His iustè affligebantur Pharao &  
 Aegyptij. Nam vt dicit, Exod. 8. 3.  
 4. *Moyfes ad Pharaonem. E. bulliet*  
*fluvius ranas, quæ ascendent, & in-*  
*gredientur domum tuam, & cubiculū*  
*lectuli tui, & super stratū tuum, & in*  
*domos seruatorum tuorū, & in populum*  
*tuū, & in furnos tuos, & in reliquias*  
*ciborum tuorum, & ad te, & ad popu-*  
*lum tuum, & ad omnes seruos tuos in-*  
*trabunt rane.* Hæ sunt istæ ranæ lo-  
 quaces, quæ si irreperint in domos  
 religiosorum, omne ibi genus ho-  
 minum, & omnia loca conturbāt,  
 & defœdant. Prodit enim loquaci-  
 tas, quasi de ore draconis inferna-  
 lis, de ore bestię, & de ore Pseudo-  
 prophetæ, vt ex eorum ore D.  
 Ioannes Apocal. 16. 13. *Vidit exire*  
*tres spiritus immundos, in modum*

*ranarum*. Sic & in vita S. Domini-  
ci, Diabolus totam locutoris do-  
mum sibi vendicat. Vide D. Lau-  
rentium Suriũ in vita S. Dominici.

Diabo-  
lus locu-  
toris do-  
mum  
occu-  
pat.

Secundò considerandum, quan-  
ta scandala oriantur, & inquietu-  
do ex lingua multiloqua. Nam vt  
est, Prouer. 18. 21. *Mors & vita in*  
*manibus lingua*. Quem etiam locum

Scanda-  
dala  
gignit

D. Benedictus suis discipulis capit.  
2. suæ regulæ proponit : insinuans  
scandala inde oriri posse, quæ tan-  
dem ex rixis, susurrationibus, de-  
tractionibus, contentionibus mor-  
tem concilient : & sic vice versa  
ex recta custodia, vitam. Nam vt  
ait Chrysost. hom. 4. ad Baptizan-  
dos media vtriusq; partis (inter vi-  
tam scilicet & mortem) lingua est,  
& si vtriusq; est, Dominus est. Nā  
& gladius in medio positus, si qui-  
dem fuerit aduersus hostes arre-  
ptus, salutaris accipiendi reperitur:  
si verò tenētis visceribus inferatur,

Vita  
&  
mors  
in ling-  
ua,  
quomo-  
do.

Ling  
gua à  
natura  
munis  
ta.

mortem præparat inferenti; non quia talis ferri natura, sed quia vtē tis tale consilium est: ita & lingua æstimetur gladius in medio positus. Armetur aduersus peccata tua, non ad fratris plagam præparetur. Et ideo Deus eam velut muro duplici voluit circumdari. Nam dentium tegmine & labiorum custodia continetur, ne verba improuida garrulitate proferatur. Hæc ille,

## CAPVT XII.

*Hæc scandala magis probantur ex contentio-  
nibus, detractionibus, contumelijs, derisio-  
nibus, injurijs & rixis, quæ ex lo-  
quacitate proueniunt.*

Cons  
tentio-  
nes.

**P**rimò, ex his scandalis nume- rantur contētiones. Hinc Pro- uerb. 20. 3. *Honor est homini qui se- parat se à contentionibus, omnes stulti miscentur contumelijs.* Tales namq; similes sunt Iudæis, qui, Deut. 31. 17. semper contentiosè egisse per- hibentur à Moyse, instructi à sa-

piencia

piencia carnali, animali, diabolica. Iacob. 3. 14. 15. 16. Nam & opus carnis est, Gal. 5. 20. vnde pugnae verborum, 1. Tim. 6. 4. Actandem ex ea conseruntur manus, & ad mortem vsq; decertatur.

Secundò, detractiones inde *Detra-  
ctio.* proueniunt. Hinc Prou. 4. 24. *Re-  
moue à te os prauum, & detrahentia  
labia sint procul à te.* quia Psal. 100. 5. *Detrahentē secretò proximo suo, hunc  
persequerbar.* Hi enim agunt contra  
id, Leuit. 19. 14. *Non maledices sur-  
do, nec coram cæco pones offendicu-  
lum,* id est, scandalum. Maledicit  
surdo, qui detrahit absenti, qui  
non audit; ponit offendiculum cæ-  
co, qui incautum decipit. Rectè  
ergò, Sap. 1. 11. dicitur. *Custodite vos  
à murmuratione quæ nihil prodest, &  
à detractione parcuè lingua, quoniam  
sermo obscurus in vacuum non ibit; os  
autem quod mentitur, maximè de-  
trahendo, occidit animam.* Detra-

ctor enim nec hominibus nec Deo  
gratus. Vnde Prou. 24. 9. *Abomi-  
natio hominum, detractor.* Roman.  
cap. 1. vers. 30. *Detractatores Deo  
odibiles.* Et Prouerb. cap. 24. ver.  
21. *Cum detractoribus non commi-  
scearis, quoniam repente consurget  
perditio eorum, & ruinam utriusq;  
quis nouit? Vide plura infra capit.  
59. litera D.*

*Derri-  
siones  
contu-  
melia.*

Tertiò, oriuntur derisiones,  
& contumeliæ, sed vt est Prou. 19.  
29. *Parata sunt derisoribus iudicia:  
& mallei percutientes, stultorum cor-  
poribus.* Vbi verò derisor ibi & iur-  
gia sunt, quibus eiectis, eijcitur &  
contumelia, vt est Prou. 22. 10, A-  
lioquin Ecclesiast. 6. 1. *Contume-  
liam hereditabit malus, qui scilicet  
eam per linguæ continentiam non  
eiecerit.*

*Iur-  
gia.*

Quartò, oriuntur iurgia, quæ e-  
tiam cessant susurrone subtracto.

Pro



Prouerb. 26. 20. *Cum defecerint ligna, extinguetur ignis, & susurrone suberacto iurgia conquiescent. Quæ & inter iactabundos sunt, vt est Prouerb. 28. 25. Qui se iactat & dilatat, iurgia concitat; qui vero sperat in Domino, sanabitur. Eadem stultus prouocat. Prouerb. 18. 6. 7. Labia stulti miscent serixis, & os eius iurgia prouocat. Os stulti contritio eius, & labia ipsius, ruina anime. Est autem proprium Apostatarum à Deo, & religione christiana, Ecclesiastica & Monastica, iurgia semper & omni tempore, ne dicam, loco seminare. Id quòd in Luthero, Caluino, Buccero, Oecelampadio & similis farinæ hominibus videre est, de quibus verissimum id, Prouerbior. cap. 6. vers. 12. Homo *Apos-  
stata, vir inutilis, graditur ore per-  
uerso, annuit oculis, terit pede, pro  
digito loquitur, prauo corde machi-  
natur malum, & in omni tempore**

*Apos-  
tate  
descri-  
prio  
& os.*

*iurgia*

*iurgia seminat. Huic extemplo veniet  
perditio sua, & subito conteretur, nec  
habebit ultra medicinam. quod sa-  
tis superq; patet ex infelici eorum  
interitu. nec ab eo dissidet Sapiens  
cum inquit; Prou. 17. 11. Semper iur-  
gia querit malus, angelus autē crude-  
lis mittetur contra eum.*

*Rixa.*

Quintò, sic & de rixis dicen-  
dum, quæ & inter opera carnis,  
Gal. 5. 21. referuntur, quæ hinc  
proueniunt. Quæ Prou. 26. 21. ho-  
mo iracundus suscitatur & prouocat.  
Prou. 15. 18. † 29. 22. *Qui verò, ut  
est Prou. 17. 19. meditatatur discordias  
diligit rixas: & qui exaltat os suum  
querit ruinas.* Hoc loco non est  
sermo de Prophetis, & conciona-  
toribus, qui ad correptionem alio-  
rum rixari putantur. Vnde de se  
Ieremias capit. 15. 10. loquitur, *Va  
mibi mater mea: quare genuisti me  
virum rixa, virum discordia, in uni-  
uersa terra? non fœneravi, nec fœne-*

*rauit*

ravit mihi quisquam, omnes maledicunt mihi. Utinam ad huiusmodi rixas multi vterentur lingua sua, ad religionem Christianorum, quã Iudæi sectam vocarunt, cui ubiq; Actor. 28. 22. contradicitur, defendendam. Ad quem finem quòd uti lingua sua debeant prophetae & concionatores docetur infrà capite 57. numero 2.

Sextò recenset D. Paulus multa simul scandala 2. Cor. 12. 10. Contentiones, æmulationes, animositates, dissensionēs, detractiōnes, susurrations, inflationes, seditiones. De quibus vide latiùs in Thesauro nostro Biblico, in singulorum titulis.

Scandala  
multa.

## CAPVT XIII.

*A lingua mortis periculum pendere docetur  
exemplis sacrae scripturae, & Pitagorae  
taci Philosophi.*

**N**Vnc videamus vno aut altero exemplo in medium ad-

Mors.  
Maria

ducto,

Core,  
Dathan,  
Abiron.

ducto, quid mali pariat linguæ licentia. Maria soror Moyfi, cur lepra quasi mortua percussa? Num. 12. 8. 9. 10. Nunquid ex linguæ licentia, cùm teste Domino non timuit detrahere seruo Dei Moyfi? Core, Dathan & Abiron, quare vivos deglutiuit terra. Et descendunt in infernum viuentes? Num. 16. 30. Nunquid quia ex iinguæ licentia, cùm vers. 3. steterunt aduersum Moysen, & Aaron, dicentes: *Sufficiat vobis, quia omnis multitudo sanctorum est, & in ipsis est Dominus: cur eleuamini super populum Domini?* Semei filius Gera cur iussu Salomonis interfectus perijt? nunquid ex linguæ licentia, qua Dauidem, Absoloné filium suum fugientem maledictis incessit, dicē: 2. Reg. 16. 7. *Egredere, egredere vir sanguinum, & vir Belial?* Quem licet Dauid non sit passus ab Abisai filio Saruix, ibidem ver. 9. interi-

mi : eius tamen linguæ petulantiam Salomon morte vindicadam censuit , eumq; vt est 3. Reg. 2. 46. per Banaïam filium Ioiadæ trucidari fecit. Et id rectè quidem, quòd parens eius ob mansuetudinem vlcisci noluit, filius vt sapientissimus iudex iustitiæ gladio punire voluit, cùm contra legem Exod. 22. 28. datam, *Principi populi tui non maledices*, ex Diametro egerit. Etc. 21. 16. *Qui maledixerit patri suo vel matri, morte moriatur.* Et demum quòd grauiùs est talibus, non temporalis tantùm mors, sed sempiterna maneat. Maledici enim, à regno cœlorum. 1. Cor. 6. 10. arcebuntur. Atq; ita lingua nequam, nulli quàm sibi metipsi pernitiosior; similes enim qui illa deprauantur sunt viperæ quæ adhæsit quidem manui S. Pauli Actor. cap. 28. 3. at illi nihil nocumenti attulit, sed sibi metipsi soli, cùm

Mors  
eter-  
na per  
linguã

Lingua ne  
mini  
quàm  
sibi per  
nitio-  
sior ex  
emplo  
viperæ

*Iudæi  
quàm  
pluri-  
mi ob  
eam  
occisi.*

ab eo ex manibus in ignem excus-  
sa, igne consumpta fuit; ita lingua  
nequam tandem cum epulonis di-  
uitis Luc. 16. 14. lingua, æstuantis  
gehennæ incendijs torquebitur.  
Quid comemorem infinitam Iu-  
dæorum multitudinem, quæ in de-  
serto corruit, linguæ nimia licen-  
tia? cùm terræ promissionis vt to-  
to ferè capite 14. libri Numeri vi-  
dere est, detraxit, maximè ver. 24.  
30. 38. ita vt ex sexcentis tribus  
millibus trecentis & quinquagin-  
ta, à viginti annis & suprà Exod.  
38. 26. Num. 1. 45. demptis & sa-  
cerdotibus nullus illorum nisi Jo-  
sue, & Caleph terram promissio-  
nis aut ingressus est, aut ingredi  
debuerit. Plura vide infrà capit.  
14. numer. 3. vnde manifestissi-  
mum est quòd præcedenti capite  
ex Prouerb. 18. 21. diximus. *Mors  
& vita in manu linguæ.* Hinc Ana-  
charsis interrogatus, quid esset

*Ana-  
charsis  
de lin-*

in homine pessimum, & quid optimum? respondit, lingua. sentiens idem membrum plurimum prodesse, si recta ratione gubernetur, obesse verò si secus. vnde & Poëta quidam Christianus.

*Nil melius lingua, lingua nil peius eadem.*

*Nobile lingua bonum, quæ fari in tēpore nouit.*

*Est tibi lingua malum, si fari in tempore nescit.*

*Lingua bonū eximium fuerit, si pauca loquaris.*

*Siq; modum seruas, dicetur lingua venusta.*

Cui & id conuenit quòd de lingua censuit Pittacus inter septem Græciæ sapientes clarissimus. Hic enim ab Amase rege Aegypti immolatitia pecude donatus, ea lege vt inde partē quam videret pessimam, aliamq; quam existimaret optimam, ex eadem hostia remitterent regi (qui duas dissimilimas partes se recepturum expectabat) non duas discrepantes partes: verum vnicam exactam linguam misit, significans, in homine bona lingua nihil esse melius, mala nihil

gua iudiciū quòd optima sit & pessima.

Pittacici simile de lingua iudicium.

esse

*Salamandra  
similes  
malorum  
linguae*

esse nocentius. Est enim malorum lingua similis Salamandræ, de qua referunt Philosophi, quod quando pomum ascendit, omnes fructus eius iaculo suo pūgat, atq; inficiat. Ita Vincentius lib. tertio specul. moral. distinct. 3. parte prima fol. 146. Quomodo verò morte apud Persas afficiantur, qui silentium non custodiunt, dicemus capite vigesimo sexto, numero 4.

## CAPVT XIV.

*Loquacium os & lingua est sagitta vulnerans, que & scurrilitate plena, sentiet mala, & more sepulchrorum fœtore redundat.*

*Sagitta  
vulnerans*

**P**Rimum est, quòd os illorum sit sagitta vulnerans, de qua Dominus grauissimè apud Ieremiã cap. 9. 8. & cum lamento queritur, cùm ait. *Sagitta vulnerans, lingua eorum, in ore suo pacem cum amico suo loquitur, & occultè ponit ei in-*



fidias. Nunquid super his non visita-  
bo, dicit Dominus? aut in gente hu-  
iusmodi non uoliscetur anima mea?  
super montes assumam fletum & la-  
mentum, &c. Locus dictus sacræ  
scripturæ conuenit cum Psalm. 27.  
3. Hi sunt de quibus Psalm. 10. 2.  
Ecce peccatores intenderunt arcum:  
parauerunt sagittas suas in phare-  
tra, ut sagittent in obscuro rectos  
corde. Et Psalm. 63. vers. 4. Quia  
exacuerunt ut gladium linguas suas:  
intenderunt arcum rem amaram,  
ut sagittent in occultis immacula-  
rum. Subito sagittabunt eum, & non  
timebunt; firmauerunt sibi sermo-  
nem nequam. Talis est Prouerbior.  
capit. 7. vers. 5 mulier extranea &  
aliena quæ sua verba dulcia facit.  
Quæ vers. 10. occurrit vecordi  
iuueni ornatu meretricio, ad  
decipiendas animas, donec vers.  
22. Sagitta transfigat iecur eius.

Quali

Falsus  
testis.

Quali & linguæ sagitta utitur falsus testis, de quo Prou. 25. 18. *Iaculum & gladius, & sagitta acuta, homo qui loquitur contra proximum suum falsum testimonium.*

Scurrilitas,  
stultiloquiū  
turpis  
sermo.

Secundum est scurrilitas ipsa linguæ, cui turpitudine & stultiloquiū iungi potest, de quibus vitandis præcipit D. Paulus Eph. 5. 3. cum inquit *Fornicatio autem, & omnis immunditia, aut auaritia, nec nominetur in vobis sicut decet sanctos: aut turpitudine, aut stultiloquiū, aut scurrilitas, quæ ad rem non pertinet, sed magis gratiarum actio.* Et D. Benedictus cap. 6. suæ regulæ sic scribit: *Scurrilitates verò vel verba otiosa, & risum mouentia, æterna clausura omnibus in locis damnamus: & ad tale eloquiū discipulum aperire os non permittimus.* Hinc & D. Hieronymus, qui scurrilitatē replicat, & cachinnis ora dissoluit, & aliquid profert turpitudinis, non

D. Be-  
nedi-  
ctus.

otiosi

otiosi sermonis, sed criminosi reus tenetur. D. verò Bernardus lib. 2. de consideratione c. 13. inter seculares nugæ, nugæ sunt, in ore sacerdotis blasphemie. Interdū tamen si incidant, ferédæ fortassis, referendæ nunquam. Consecrasti os tuum Euangelio, talibus iam aperire illicitum, assuefacere sacrilegium est. Idem. Verbum scurrile quòd facti vrbaniuè nomine colorant, non sufficit peregrinari ab ore, procul ab aure relegandum est. Fœde ad cachinnos mouêris, fœdius moues.

Os nostrum  
consecratū  
Euangelio.  
Factum  
vrbani  
num  
verbū.  
Loquax  
sentiet  
mala.  
Samsō

Tertiūm est, quòd sentiet mala. Hinc Prou. 13. 3. *Qui custodit os suum, custodit animam suam, qui autem inconsideratus est ad loquendum, sentiet mala.* Si enim Samson tacuisset, & non reuelasset secretum roboris sui, & problema Dalilæ, Iudic. 16. 17. non fuisset captus, & erutis oculis, vinctusq; catenis, vers. 31. molendino destinatus, &

tandem cum aduersarijs mortuus  
Eua idem sensit. Gen. 3.2. vbi cum  
diabolo & serpente sermonem ha-  
buit. Plura vide capite præcedenti.

Sepul-  
chro  
fætido  
similes

Quartum est, quod illorum os  
est simile sepulchro patenti. Vnde  
Psalm. 5. 11. *Sepulchrum patens est  
guttur eorum. Linguis suis dolosè ag-  
bant, iudica illos Deus.* Quem locus  
& D. Paulus adducit, Rom. 3. 14.  
Psalmo verò 13.3. venenum linguæ  
eorum addens, inquit. *Sepulchrum  
patens est guttur eorum, linguis suis  
dolosè agebant, venenum aspidum foras  
labijs eorum. Quorum os maledictione  
& amaritudine plenum est.* Quod  
si enim loquaces os habent clausum  
foris sunt sepulchra dealbata, sicut  
ti de Scribis, & Pharisæis loquens  
Christus, Matth. 23. 27. asserit, in-  
tus omni spurcitia pleni. Ait enim  
*Va vobis scribæ & Pharisæe hypocri-  
ta, quia similes estis sepulchris deal-  
batis, quæ à foris parent hominibus*

speciosas

speciosa, intus verò plena sunt ossibus  
 mortuorum, & omni spurcitia. Vte-  
 nim patentibus sepulchris, intus  
 reconditus foetor erumpit, &  
 quæ ibi latitant venena, inde spe-  
 ctantes inficiunt. Sic cùm patet os  
 loquacium, omnis illorum quæ in  
 anima recondita fuit spurcitia, in-  
 de sese prodit. Qua de re vide D.  
 Chrysoftomum in Psalmum quin-  
 tum, & D. Gregorium Nazianze-  
 num in oratione consolatoria, cùm  
 pater eius ob grandinis taceret ca-  
 lamitatem. Rectè ergò quidam ta-  
 citurnitate graueolentiam oris sui  
 excusarunt. Cuidam enim Euri-  
 pidi graueolentiam oris obijcien-  
 ti: Multa, inquit, in ore meo com-  
 putruerunt. Quo responso signifi-  
 cabat, se potuisse continere arcana.  
 Solent enim res in occultum lo-  
 cum congestæ, facilè putrescere.  
 Vide Paulum Manutium libro 8.  
 Apophthegmatum.

Euri-  
 pides.

## CAPVT XV.

Loquaciam lingua stultitiæ indicium, &  
subuersio hominis & ciuitatum.

Stulti-  
tie in-  
diciū.

**A**D primū quod spectat, re-  
tè dicitur Eccli. 5. 1. Ne te-  
merè quid loquaris, neq; cor tuum sit  
velox ad proferendum sermonem co-  
ram Deo. Idcirco sint pauci sermones  
tui. Multas curas sequuntur somnia  
& in multis sermonibus inuenitur stulti-  
tia. Nam Prou. 29. 11. Totum spi-  
ritum suum profert stultus: sapiens  
differt & reseruat in posterum. Hoc  
verissimum esse, docet Salomō  
Prouerb. 15. 2. vbi linguam sapien-  
tum, & os stultorum quasi penicil-  
lo depingens, inquit. *Lingua sapien-  
tum ornat scientiam: os fatuorum e-  
bullit stultitiam.* Est enim cor illo-  
rum, velut olla plena aqua immun-  
da, quæ vbi flamma Dæmonis, de  
qua egimus capite 9. succenditur,  
se continere nequit, quin ebulliat.  
Cū verò fuerit hac flamma ho-

mo garrulus succensus, bene de illo dicitur id, Eccles. 10. 14. *Stultus verba multiplicat.* Et Prou. 29. 20. *Vidisti hominem velocem ad loquendum? stultitia magis speranda est, quam illius correptio,* Et cap. 10. 14. *Sapientes abscondunt scientiam; os autem stulti confusio proximum est.* Et Eccles. 10. 12. *Labia insipientis, precipitabunt eum.* Prou. verò 18. 13. *Qui prius respondet, quam audiat, stultum se esse demonstrat, & confusione dignum.* Cauendum verò hîc est, quod monet Salomon, Prou. 26. 4. *Ne respondeas stulto iuxta stultitiam suam, ne efficiaris ei similis.*

Alterum est, subuersio hominum, de qua Eccli. 5. 15. *Honor & gloria in sermone sensari, lingua verò imprudentis subuersio est ipsius.* Et Prouer. 11. 11. *Benedictione iustorum exaltabitur ciuitas; & ore impiorum subuertetur,* Vnde & auditorum subuersionem ex contetione ver-

Sub  
uersio  
homi  
num.

borum prouenientem. D. Paulus interdicit Timotheo, 2. Tim. 2. 14. dicens. *Noli contendere verbis: ad nihil enim utile est, nisi ad subuersionem audientium.* Rectè ergò Menander dixit. *Lingua multorum est causa malorum.* Et idem lingua multos ad perniciem pertraxit. Vide etiam quæ diximus suprà capit. 6. num. 1. & cap. 9. num. 2.

## CAPVT XVI.

*Loquaces sunt homines terreni, vanæ conscientie, & vascula inania.*

*Loquaces  
terreni  
sunt*

**P**rimùm patet, quia nihil nisi terrena loquuntur, idq; secundum D. Ioannis Baptistæ sententiam, qua inquit ad discipulos suos, Ioan. 3. 31. *Qui est de terra, de terra est, & de terra loquitur.* Ergò non loquitur sapientiam cœlestem, sed Iacob. 3. 15. terrenam, animale, diabolicam: ait enim, *Quod si zelum amarum habetis, & contentiones sunt in cordibus vestris: nolite gloria-*



ri & mendaces esse aduersus veritatē;  
non est enim ista sapientia desursum  
descendens, sed terrena, animalis, dia-  
bolica. Ubi enim zelus & contentio,  
ibi inconstantia, & omne opus prauū.

Secundū est, quod sua lo-  
quacitate sunt ipsimet vani con-  
scientiæ iudices, & quod in vanum  
acceperunt animam suam; atq; id-  
eò iuxta Psalm. 23. 3. neq; ascen-  
dere ad montem Domini, neq; sta-  
re in loco sancto eius poterunt.  
Ratio datur Psal. 5. 10. *Quoniam*  
*non est in ore eorum veritas, cor eo-*  
*rum vanum est.* Psalm. 11. 2. *Dimi-*  
*nuta sunt veritates à filiis hominum,*  
*vana locuti sunt unusquisq; ad proxi-*  
*imum suum, labia dolosa in corde, &*  
*corde locuti sunt.* *Disperdat Dominus*  
*uniuersa labia dolosa, & linguam ma-*  
*gniloquam, &c.* Porro de lingua do-  
lofa vide plura cap. 59. liter. D. nu-  
mer. 6. Sic de fallis Prophetis dici-  
tur, Ezech. 13. 8. *Locuti estis vana,*

Et vanæ con-  
scientiæ

& vidistis mendacium: ideo ecce ego  
 ad vos dicit Dominus Deus. Et erit  
 manus mea super Prophetas, qui vi-  
 dent vana, & divinant mendacium,  
 in consilio populi mei non erunt, & in  
 scriptura domus Israël non scribentur:  
 nec in terram Israël ingredientur. Sic  
 D. Paulus Tit. 3. 9. inquit. Stultas  
 autem questionēs & genealogias, &  
 contentiones & pugnas legis devita:  
 sunt enim inutiles & vana. Sicut &  
 D. Iacob. 1. 26. illius religio qui  
 linguam refrenare nequit. Vide  
 infra capit. 28. numer. 2. Indoles  
 quoq; iuuenum ex loquela cogno-  
 scitur. Vanus etiam sermo, inquit,  
 Isidorus, vanæ conscientiae est in-  
 dex, mores hominis lingua pandit,  
 & qualis sermo ostenditur, talis a-  
 nimus comprobatur. Idem libr. 2.  
 Soliloquiorum. Vanus sermo ci-  
 tō petit mentem, & facilē agitur  
 quōd libenter auditur. Prou. 15. 2.  
 Os fatuorum ebullit stultitiam. Hinc

Indoles  
 iuuenum  
 ex ling-  
 gua co-  
 gnosci-  
 tur.

Vanus  
 sermo.

cūm

cum diues quidam filium adole-  
 scentulum ad Socratem misisset, vt *Socra-*  
 indolem inspiceret, ac pædagogus *tes.*  
 diceret, pater, ad te o Socrates mi-  
 sit filium, vt eum videres. Tum  
 Socrates ad puerum, loquere in-  
 quit, adolescens, vt te videam: si-  
 gnificans ingenium hominis, non  
 tam in vultu relucere, quàm in  
 verbis, quod ea sunt certissimum  
 minimeq; dubium animi speculũ.  
 Maximè verò religiosi, & Mona-  
 chis conuenit ab huiusmodi ser-  
 monibus vanis & ritum prouocã-  
 tibus abstinere. Nam Monachus  
 teste D. Hieronymo in Epistolis *Mona-*  
 plangentis habet officium, qui vel *chi ofa-*  
 se, vel mundum lugeat, & Domini *ficium*  
 pavidus præstoletur aduentum. *plangere.*  
 Sic & D. Chrysoftomus hom. 59.  
 ad populum Antiochenum, mo-  
 nasteria domum luctus & sedem  
 lacrymarum vocat.

Tertiũ est, quod sunt vascu-

Babylō  
vas  
inane.

la inania, & homines qui seducuntur inanibus verbis. Quòd vetuit D. Paulus Ephes. 5. 6. fieri. Sic Ier. 51. 34. dicit filia Babylonis de Nabuchodonosore rege. *Reddidit me quasi vas inane.* Nam vt Babylon, quæ confusio dicitur, fuit vas omni gloria terrena plenum; & per Nabuchodonosorem qui planctum iudicij significat, reddita fuit vas inane; ita qui linguam hinc habuimus terrenam, & in terrenis, & otiosis, & vanitatibus gloriati sumus, vbi planxerimus iudicium de nostris verbis à DEO latum, videbimus omnia nostra vasa esse in rebus spiritalibus inania. Demùm vt cum Plutarcho loquar in moralibus. Vt vascula prorsus inania facilè tinniunt; ita quibus minimum inest mentis, sunt loquacissimi, & quàm facillimè impatientiæ signa de se produnt.

## CAPVT XVII.

*Minus cauti in loquendo sunt ex viperarum progenie, & vrbes absq[ue] muro.*

**P**rimò, hi meritò dicuntur esse ex progenie viperarum: tali enim progenie Phariseos exortos & D. Ioannes Baptista docet, Matthæi 3. 7. cùm inquit. *Progenies viperarum, quis demonstrauit vobis fugere à ventura ira.* Sic turbas Iudæorum, Luc. 3. 7. vocat genimina viperarum. Christus verò loquelam eorum coarguens, inquit, Matth. 12. 34. *Progenies viperarum, quomodo potestis bona loqui cùm sitis mali? ex abundantia enim cordis os loquitur.* Rectissimè verò eos progeniem viperarum vocat, eò quòd se insolenter filios Abrahæ iactarent. Matth. cap. 3. vers. 9. Ioan. 8. 39. & nequaquam opera Abrahæ facerent, aut vt Abraham loquerentur ad Dominum, qui di-

cebat

*Viperarum progenies.*

*Pharisei & scribae quomodo progenies viperarum*

cebat se cinerē & puluerem. Gen.  
 18. 27. Sed potiùs à parentibus ma-  
 lis, murmuratoribus, & detracto-  
 ribus; vt patet suprà capit. 13. malè  
 educati & foti. Immò vt Saluator  
 inquit, Ioan. 8. 44. ex patre Dia-  
 bolo, qui primò omnium Deo in  
 paradiso apud primos parentes de-  
 traxit, vti & eius filij, qui Prou. 1.  
 30. detrahunt vniuersæ correptio-  
 ni Domini. Diabolum autē voca-  
 tum serpentē & quidem antiquū,  
 Apocalypsis D. Ioānis. cap. 12. 9.  
 20. 2. docet. Audiendus ergò D.  
 Chrysofomus hom. 76. in Matth.  
 dicens. Quemadmodum si Roma-  
 nus fortè fuerit iudex, non perci-  
 piet rationes tuas, nisi latinè loqua-  
 ris; Sic & Christus non audit, nec  
 attendit, nisi lingua sua loquaris:  
 vt ostuum ita conformetur, vt os  
 Christi sit, non opus est coloribus  
 nec vlla materia, sola virtute, hu-  
 militate, mansuetudine; huiusmo-

Ling-  
 gua  
 Christi  
 loquēs  
 dum.

di os maximè cõformatur. Os diaboli conditur maledictione, contumelijs, contradictione, periurio, mendacio. Diaboli linguam habet, qui vt Diabolus loquitur. Quæ supplicia non perpendimus, quando linguam nostram, qua Dominicam carnem degustamus, Diaboli spontè linguam efficimus? Hæc ille. Quid verò vipera ista, Diabolus scilicet, loquatur, Christus Dominus docet, Ioan. 8. 44. *Vos ex patre Diabolo estis, & desideria patris vestri vultis facere: ille homicida erat, ab initio, & in veritate non stetit: Quia non est veritas in eo: cum loquitur mendacium, ex proprijs loquitur, quia mendax est, & pater eius.*

Secundùm est, quòd loquaces sint similes vrbi sine murorum ambitu, quæ facilè patet hostibus. Hinc Prou. 25. 28. *Sicut vrbs patēs, & absq; murorum ambitu, ita vir qui*

Os Diaboli.

Diabolus mendax.

Loquaces sũt sicut vrbes sine muro.

non potest in loquendo cohibere spiritum suum. Quem locum explicans de religiosis & Monachis Smaragdus in cap. 4. regulæ D. Benedicti scribens, sic inquit. Monachus qui murum silentij non habet, inimici iaculis patet, quem tacite inimicus sine labore superat, quanto & ipse contra semetipsum per multiloquium pugnat. Dictæ Salomonis sententiæ conuenit id. Iob. 30. 14. *Quasi rupto muro, & aperta ianua irruerunt super me, & ad meas miseras deuoluti sunt.* Vt superius, cap. 8. locum hunc explicauimus. Sed aliter sponsa inquit, Cant. 8. 10. *Ego murus, & hubera mea sicut turris, ex quo facta sum coram eo quasi pacem reperiens.* Quam reperi in silentio patebit infra ex capite 24. Si ergo verum est quod dicitur, Prou. 18. 11. *Substantia diuitis vrbs roboris eius, quasi murus validus circumdans eum.* Nos no-



stras diuitias spirituales muro validissimo taciturnitatis, & silentij tueamur. Ad quam quoque rem faciunt ea, quæ suprâ capite octauo numer. 1. diximus.

## CAPVT XVIII.

*Viginti quatuor incommoda lingue male ex capite 28. Ecclesiastici desumpta.*

**P**rimùm est vers. 10. *Abstine à Litem, & minues peccata; homo enim iracundus incendit litem, quòd fit per loquelam, & vir peccator turbabit amicos, & in medio pacem habentium immittit inimicitiam.*

2. Est quòd lingua testificans adducat mortem, cùm inquit, ver. 13. *Certamen festinatum incendit ignem, & lis festinans effundit sanguinem, & lingua testificans, adducit mortem. Si sufflaueris in scintillam, quasi ignis exardebit: & si expueris super illam, extinguetur, utraq; ex ore proficiscuntur. Quòd magis patet ex superiori cap. 9. num. 1.*

3. Maledicto obnoxios reddit, vers. 15. *Susurro & bilinguis maledictus: multos enim turbabit pacem habentes.*

4. 5. 6. 7. 8. & 9. Traduntur vers. 16. *Lingua tertia multos commorsit, & dispersit illos de gente in gentem, ciuitates muratas diuinitum destruxit, & domos magnatorum effodit, virtutes populorum concidit, & gentes fortes dissoluit.* Nota verò hoc in capite, linguam tertiam vocari linguam detractoris, & fusurronis; sic enim Chaldæus interpres in Prouerbijs linguam tertiam transfert, fortè quia tertius est, vni apud alterum detrahens.

10. 11. 12. & 13. Ponit vers. 19. *Lingua tertia mulieres viratas eiecit, & priuauit illas laboribus suis, qui respicit illam non habebit requiem, nec habebit amicū in quo requiescat.*

14. Comminuit ossa, vers. 21. *Flagelli plaga luorem facit: plaga*

Lingua  
tertia  
quæ  
quàm  
mala.

Lingua  
comminuit  
ossa.

autem

autem lingua comminuet ossa.

15. Interitum affert, vers. 22.

*Multi ceciderunt in ore gladij: sed non sic quasi qui interierunt per linguam suam.*

16. Est iugum ferreum & vinculum æreum, vers. 23. 24. *Beatus qui rectus est à lingua nequam, qui in iracundiam illius non transiit, & qui non attraxit iugum illius, & in vinculis eius non est ligatus. Iugum enim illius iugum ferreum est, & vinculum illius vinculum æreum.*

Linguae iugum ferreum.

17. 18. Mors nequissima, ver. 25. *Mors illius mors nequissima, & utilis potius infernus quam illa.*

19. & 20. Tradit, ver. 26. *Per seuerantia illius non permanebit; sed obtinebit vias iniustorum, & in flamma sua non comburet iustos.*

Flamma lingue

21. 22. & 23. Traditur vers. 27. *vbi & ostenditur qui in illam incidunt. Qui relinquunt Deum, incidunt in illam, & exardebit in illis, &*

non

non exringuetur. Quòd maxime patet in apostatis religionis Chrittianæ, qui excommunicati in summas indies magis magisq; blasphemias erumpunt, vt patuit in Luthe-  
 ro excommunicato. *Et immittitur in illos quasi leo, & quasi pardus ledet illos.*

*Vt leo  
 & pardus.*

*Casus  
 eius.*

24. Vltimum ponit incommodum, casum scilicet; & egregium ponit documentum vers. 28. 29. 30. *Sepi aures tuas spiris, linguam nequam noli audire, & ori tuo facito ostia, & seras. Aurum tuum, & argentum conflu, & verbis tuis facito stateram, & frenos ori tuo rectos, & attende nè fortè labaris in lingua, & cadas in conspectu inimicorum insidantium tibi, & sit casus tuus insanabilis in mortem.* Hinc Theophrastus Eresius dicebat, potius fidendum effræni equo, quàm verbo incomposito.

## CAPVT XIX.

*Continet alia loquacitatis incommoda ex  
sanctis patribus desumpta.*

**Q**Uod ad primū attinet, Ioan-  
nes Climachus qui vixit año  
Domini 340. in libro de scala spi-  
rituali, in capitulo de loquacitate,  
gradu II. breuiter nouē incommo-  
da, ita depingit loquacitatis.

Loquacitas est ignorantix certū  
argumentum, detractionis ianua,  
scurrilitatis dux, mendacij opifex,  
compunctionis desolatio, acedia  
auctor siue euocatrix, somni præ-  
cussor, intentæ fixæq; cogitationis  
dissipatio, custodiae exterminatio.

*Loqua-  
citas  
quid.*

Ioannes verò Abbas montis Si-  
nai ita eam depingit apud auctore  
malogranati lib. 2. dist. 2. capit. 7.  
per vñdecim incommoda. Multi-  
loquium inquit est vanæ gloriæ ca-  
thedra, per quam seipsam manife-  
stare & pompaticè propalare, na-  
turam habet. Multiloquium est in

spien-

*Multi-  
loquiū  
quid.*

ſipientiæ argumentum, detractio-  
nis porta, manu ductor ſcurrilita-  
tis, mendacij miniſter, compun-  
ctiōnis reſolutio, acuitatis intel-  
ligentiæ diſperſio, acediaꝝq; condi-  
tor, diſſipatio mœroris, caloris &  
feruoris frigefactio, orationis ob-  
ſcuratio. Hæc ille. Hi ſunt loqua-  
citiſſimi fructus, & loqua-  
citiſſimi effectus, quibus multa alia  
adijci poterunt, quæ ex ſequenti-  
bus capitibus haberi poſſunt, maxi-  
mè ex 59. Nunc ad commoda &  
fructus taciturnitatis ſilentij & cu-  
ſtodix linguæ progrediamur.

QVINQVAGINTA DVO  
COMMODA ET FRUCTVS  
taciturnitatis & cuſtodix  
linguæ.

CAPVT XX.

*Silentium edificat, homines angelis ſimiles  
reddit, & animam ſolicite  
cuſtodit.*

In his commodis recensendis

erimus